

Ulloq 18. juni - 2018

SULEQATIGIISSTISUT  
SAMARBEJDSPARTIET

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaaattoq matumuuna saqqummiuppara:

**Naalakkersuisunut apeqqutit:**

- 1. Naalakkersuisut aamma peqqinnissaqarfimmi sulisut peqatigiiffianut PPK-mut (Peqqissaasut Kattuffiat-nut) ilaasortat akissarsiat sulnermilu atukkat pillugit isumaqatigiinniarnerisa atuutilerfissaat sooruna kinguaattoorfiusoq?**
  - 1. A. Namminersorlutik Oqartussat immikkoortortaqarfiani piginnaanerit suut amingaataappat isumaqatigiissutit allanneqarnissaasa inaarnissaannut?**
  - 1. B. Siunissami piffissaagallartillugu naammassinnittarnissaq qularnaarniarlugu qanoq iliorluta ersarissumik malittarisassiorsinnaavugut, aalajangersimasumik ilinniarsimasut utaqgilussinnartaqqunnagit aamma qularnaarniarlugu saaffiginnissutit akineqartarnissaat?**
- 2. Qanoq sukcatigisumik PPK-mi ilaasortat naatsorsuutigisinnaavaat akissarsiat sulnermilu atukkat pillugit isumaqatigiissutit piviusunngortinnejarnissaat?**
- 3. Ilumoorpa akissarsiat sulnermilu atukkat pillugit isumaqatigiinniarnerit marsi 2016-mili naammassereertussaagaluartut, piffissami tassani isumaqatigiissutit siulii atorunnaartussaanikuummata?**
- 3. A. Kiisalu ilumoorpa isumaqatigiissuteqarnissaq kinguartoorsimammat Namminersorlutik Oqartussani Naalakkersuisoqarfiup immikkoortortaa akissarsiat qaffaassutissaanik nassaarsimanngimmat, isumaqatigiinniarnerit aallartimmata aningaasalerneqarsimanngimmata?**
- 4. Ilumoorpa isumaqatigiissut piareerneqarsimagaluarpat ulloq 3. decembari 2017-mi? Aamma peqatigiiffiup ulloq 5. januaari 2018-mi Namminersorlutik Oqartussat nalunaarfigisimammagu isumaqatigiissut akueralugu taamatullu isumaqatigiissutigineqarsimammat marsi 2018-mi isumaqatigiissutit piviusunngortinnejarnissaat killeqassasoq kiisalu maajimi 2018-mi?**
- 4. A. Taamaasimappat suna pissutaava illuatungeriit isumaqatigiissutaata piviusunngortinnejarninneranut piffissarujussuaq ingerlareeraluertoq?**



- 5. Namminersorlutik Oqartussat PPK-llu ilaasortaasa ataatsimeeqatigiinnissaat, isumaqatigiissuteqarnissaat imaluunniit isumaqatigiissutit piviusunngortinnejarnissaat ukiut qulit kingulliit ingerlanerani qanoq akulikitsigisumik kinguaattoorfiusarsimappat?**
- 6. Aalajangersimasumik ilinniagallit amerlasuut inuiaqatigiinnullu pingaaruteqarluinnartut isumaqatigiissuteqarfingineqarnissaminnullu utaqqisut eqqarsaatigalugit kinguaattoornerit Naalakkersuisut qanoq isumaqarfigaat?**

**Tunngavilersuut:**


Pakatsinaqaaq akissarsiat sulinermilu atukkat pillugit isumaqatigiissutit akulikitsumik kinguaattoorfiusarmata. Siunertarisamut naleqqutissaaq tusassallugu sooq taamaattoqartarnersoq minnerunngitsumik pineqartillugit ilinniarsimasut amerlasuut pingaaruteqartullu soorlu peqqinnissaqarfimmilu sulisut.

Akissarsiat sulinermilu atukkat pillugit isumaqatigiinniarnerit eqqarsaatigaugit piffissaagallartillugu iliuuseqarsinnaasannginnerup eqqorpai innuttaasut peqqinnissaqarfimmilu sulisut sakkortuumik, sulisussarsiornissaq akimmisinneqarmat.

Paarlatsinut aningaasartuutit amerleriarput 2015-mi 18 mio. koruunit missaaneeriarlutik 2017-mi 28,6 mio. koruuninut tamatumanilu pissutaaqataavoq akissarsiat sulinermilu atukkat pillugit isumaqatigiinniarnerit naammassineqarsimannginnerat, soorunami taamaattussaammat taamaattoqarpoq - kinami sulerusussava nalullugu qanoq akissarsiaqassalluni aamma sulisitsisut, matumani Namminersorlutik Oqartussat, ilinniarsimasunut taama suusupaginnitsigalutik pissusilorsorallartillugit.

Akuerineqarsinnaanngilaq akissarsiat sulinermilu atukkat pillugit isumaqatigiinniarnerit kinguaattoorfioqattaartuarneri kinguarteqattaartuarneqarnerilu. Tupinnaqaaq suliumajunnaartoqarneq ajormat sulisullu suliaminnik unitsitsineq ajormata. Aamma nunami maani sulisut ilungersortinneqarput avataaniik sulisussarsinissaq ajornarluinnagajammat akissarsiat sulinermilu atukkat pillugit isumaqatigiissuteqannginneq pissutaalluni taamaattumik pisariaqanngitsumik innuttaasunik kiffartuussineq sakkortuumik eqqorneqarpoq aamma.

Aamma eqqumiiginarpoq isumaqatigiinniariartortussanik aallartitsisoqartarmat,



SULEQATIGIISITSISUT  
SAMARBEJDSPARTIET

isumaqatigiinniarnissaminnut pisinnaatitaaffeqanngitsunik. Kanngunaqaaq. Namminersortut  
Oqartussanut uangutsinnullu politikerinut pakatsinaqaaq, ilinniarsimasut taama amerlatigisut  
taamalu pingaaruteqartigisut - inuiaqatigiinni pinngitsoorneqarsinnaanngitsut - tulleriaaginnarmik  
tunulliunneqaqattaarmata.

Sulisussarsiorneq eqqarsaatigalugu ajornartorsiortitsisoqarpoq peqqinnissaqarfimmi  
ulaperuluffiusumi, ilinniarsimasut akornanni toqqisisimanngitsoqarpoq ilaalu ilanngullugit.  
Avataaniik isigalugu paasiuminaqaaq akissarsiat sulinermilu atukkat pillugit  
isumaqatigiinniarnerni eqqortumik piffissaagallartillugulu pilersaarusiortoqarsinnaasimanngimmat.

Kissaatigaara akineqassallunga ullut sulliviit naliginnaasut qulit iluanni.

Tillie Martinussen

Samarbejdspartiet - Suleqatigiissitsisut